

泊鷗山房集

泊鷗山房集卷三十

會稽 陶元藻 鳧亭

詩十六

梁山舟邀余至葛林園觀梅余喜此梅高逾簷棟
屈曲離奇花尤特盛爰賦七言以紀其勝

紅英參錯香縈結天縱其材狀奇絕高柯矯矯欲盤雲
勁幹離離真屈鐵千朵萬朵紛交加如火如霞互攢列
初疑仙翁勾漏歸天風吹散丹砂屑又疑處士鶴千年
頂上殷紅未磨滅山禽愛啄羅浮春碎濺珊瑚滿庭設
分明落葉非落花妙手徐熙畫猶拙旁栽一樹花亦佳

疎影橫斜玉皎潔回頭頓覺勢崢嶸只見胭脂不見雪
頻羅菴主邀我觀重話當年種時節主人對樹笑口開
我見此梅亦心折仰窺晴昊映繁花坐盡斜陽不能別
和汪玉岑見贈之作

白髮登臨健青山卜築偏惜花嘗計日養樹欲編年屐
與嵐光接詩同鶴夢圓柴門連咫尺共釣一湖煙

過南屏

軟玻璃面翠屏開百八鐘聲落上台一折煙霞幽絕處
淨慈遊到小蓬萊

題金羽儀觀鑑小影

秦關蜀棧解歸鞍一片閒雲郭外看不是沈淪冀缺輩
帶經鋤有漢倪寬

楊柳風柔拂水隈芒鞋嬾散坐莓苔蘼蕪一道裙腰綠
遙映雲鬟盪餉來

老夫性癖愛林泉畫裡邨居見亦憐三十六源煙水外
要乘春雨種芟田

浮生

得得千山返舊林浮生劫盡好光陰無緣托鉢門俱錯
有岸回頭海已深何物可參香色味與誰同說去來今
無因界裡如如境還向聲聞斷處尋

題西齋二絕句

羣山如黛水如煙花竹深圍屋數椽睡起日高無一事
不能富貴亦神仙

如畫煙霞次第尋南峯高處九溪深楊花易白頭難黑
一刻春遊值萬金

三月三日汪玉岑招同人讌集可莊之檀欒小軒
軒楹新敞北山隅疎竹根邊設酒爐林壑正逢修禊日
鬚眉都入永和圖樽前花片紅疑滴雨後湖光淡欲無
人坐檀欒最深處醉歆笑倩一竿扶

蘇堤看桃花

鴨頭新綠水平堤
交映天桃壓帽低
幾陣煖風花欲醉
鳥聲香過斷橋西

日昨

梧桐日昨晚涼生
一枕蕭齋暑氣清
無數好山青入夢
曉窗揩眼認分明

新秋

十日新秋五雨風
湖光山色兩空濛
乘閒料理簑兼笠
待入菱灣藕蕩中

庭桂

連蜷老樹鎖蓬門
酌汝幽香酒一樽
偕大廣寒無地種

小山秋雨滴深根

既老且鰥貧而復病形影相弔有不如無生之感

云

枯藤六尺挂衰翁滋味嘗尋藥臼中冷暖更無同室語
那堪長病老梁鴻

萬感催成兩鬢霜淒其鄉井又山莊知心惟有糟糠婦
告訴梅花枉斷腸

諸天

諸天遠近答疎鐘三日盤輿過幾峯何處寺門山徑好
雲栖修竹虎跑松

可莊八詠爲汪玉岑作

拂遲

門外柳絲鄉春風自婀娜幾縷蘸橫波煙與山雲墮愛
此短長條相對黃鸝坐

聽雨廊

驟雨北山來風吹過湖去殘滴落虛簷似與幽泉語聲
聞兩寂時猶坐催詩處

鋤月山房

月色滿園林清露洗衣袷薙草護深根滋培苗與甲欲
問荷鋤人學彼種樹法

裡湖草堂

十笏斷橋西清幽避喧最微茫隔浦舟繚繞重湖靄社
燕啄庭花銜出沙堤外

檀欒小軒

濯濯小琅玕倚檻森以束山窗過雨餘斜日照寒綠祇
恐文湖州霜縑畫不足

梅花舫

誰將一葉舟泊到羅浮境祇覺花氣深翻疑櫓聲靜窗
月水同清浮動橫斜影

初白亭

種梅在亭前香清影亦好深根又幾年詩境同花老修
得到梅花白髮何嫌早

煮茶坪

雲根若砥坪活火映苔點一縷烟霏霏松風自磨颺未
知參寥僧何如陸鴻漸

過五人墓

夕陽荒塚血模糊麥飯誰來奠路隅直道全憑公道在
義民竟與亂民誅一時肝膽愚難及終古松楸德不孤
辛苦三良共秦穴精魂能戀首邱無

遊靈巖山寺

雲裡長明火一星夫差舊事已飄零人將屨去廊無響
佛與山畱髻尙青磴有松杉能卻暑交惟猿鶴可忘形
寺門不改吳宮勝萬頃煙波兩洞庭

遊天平山瞻范文正公祖塋

吳閶風日佳理棹出春郭蒼蒼天平山下有美邱壑繁
花映繚垣老樹倚高閣誰家游冶郎馬首黃金絡紅袞
醉紛紜文字飲寂寞獨往悵無朋蹢躅如野鶴白雲無
炎涼迎我過畧約空潭明夕陽怯影魚一躍微吟竹院
閒坐聽禽言樂

衣袂生嵐光綠巖契眞賞兩崖天晦明一逕雲下上巨

石阻人行白晝立罔兩又疑人天師卓以鐵拄杖其餘
礎塊多仡仡爭雄長先憂小范曾百萬兵內養安知非
雲根變相成甲仗佳城靈氣蟠衍慶良不爽世乏郭宏
農牛眠結遐想

重過虎跑禪寺

不到香臺三十年影堂僧寂火猶懸還將詩境參泉味
一劍清寒供佛前

端午後一日寄簡汪玉岑

不見汪倫出郭驂梅花舫底少清談吟壇髭並沙痕白
茶鼎泉分虎跡甘搗鼓龍舟逢五五流觴蘭渚憶三三

三月三日會與諸
同人讌集可莊

題箋寄向城園去山月湖雲共一函

黃華陔廣文同邵二雲王方川兩編修張羅山霍

小山尊彝昆季過莊邀余讌飲孤山因疾不赴

賦以酬之

空巖積雨餘潑綠滿幽樹一片乍晴雲閒停渡傍渡荒
亭俯澄潭放鶴人已故吾廬北山隈帶水隔煙霧披襟
楊柳陰坐看銜魚鷺雖無巢許心頗領林泉趣良朋出
城園一櫂水邨住指點西泠西雪芳碧蘿路殷殷桑梓
情各各珪璋具巖千壑萬奇對客宛重過濠梁謝見招
谷口嗤卻步遙聞闌酒聲驚破林逋墓三迳過清談餘

芳尚迴互倘憶暑消曾何妨展來屢慚無老鐵才倡彼
竹枝句五字簸糠粃登高待能賦

同張蔡二友暨蒼洲弟并珍琬兩兒至徐大河觀
荷歸廷珍用遊孤山前韻作詩呈覽余亦仍取
前韻賦以示之

消夏漫遊山看花豈在樹西瞻雲水鄉命彼扁舟渡尋
芳曲院荷一笑今非故隔岸暮桑陰細縕出香霧閃閃
散疑霞亭亭立如鷺頓切愛蓮情深得濂溪趣願辭城
市塵來共邨氓住計畝劃澄潭分花界芳路天開錦繡
場粧抹濃淡具詎料素心存偏與繁英遇光迎遠近眸

影逐廻環步人壽知幾何彭鏗草盈墓白髮且開懷烟
雲任盤互兒吟我復歌樽榼豈嫌屢轉悔悞儒冠當年
役章句要買藕花洲增入閒居賦

刪竹

劒門山勢亘湖長一半嵐光竹裡藏只爲愛山尤愛竹
幾思刪竹費商量

吾廬

吾廬習靜似僧寮挂壁蕭然笠與瓢攤飯每尋松下石
討春時過柳邊橋尖叉韻險兒能和嫚懶情真客又招
聞道山蘊能卻病羨他晨肇入雲遙

讀楊鐵崖集

六賢騷雅重鄉關

余鄉六賢祠供奉賀知章秦
求方干陸游楊維禎徐渭

樂府新

題孰與攀四百年前風月在福人誰繼到湖山

鐵崖自稱湖山

風月
福人

山莊積雨

著意占晴學老農陽烏陰兔幾時逢連邨水浸遊山屐
隔屋風吹講寺鐘深竹四圍人夢綠殘池一豁雨聲鬆
攤書清簟踈簾處消盡炎蒸暑萬重

鳳凰山懷古

烟嵐曾繞宋宮牆終古猶傳御教場金埒映殘眉黛綠

銅駝望斷陣雲黃南歸二聖魂蕭瑟北去三宮事渺茫
誰戀湖山復誰棄後先同恨兩平章

重過徐大河頭觀荷

重來藕蕩續前因難捨湖邊六月春收拾殘粧風一夜
新開花對舊遊人

一色紅衣影萬雙林塘輾轉我心降殷勤寄語尋芳客
莫採芙蓉遠涉江

由來觀止在湖西香勝前番豔更齊無數裙腰芳草路
一條條界軟玻璃

經旬雨至裡湖隈纜繫桑陰不忍開若計一池看一日

芒鞋尙得幾回來

廿二日同蔡仲周暨珍兒登巾子峯晚眺經寶俶

增而歸

名山在湖潯我占僧莫奪棲遲已經年琴書作瓶鉢泉
石膏育成夙愛豈能割東瞻巾子峯老脛忘蹙躄兼天
起嵯峨鳥底白雲濶交柯樹靜深濃綠不可撥鳥性融
巖光我意亦解脫晚風生微涼暑淨石色活斜暉伴沈
吟塔頂紅一抹

廿三日清晨復同仲周由赤壁巖至棲霞嶺下

衣閒日昨雲晨起猶眷戀重尋未了山捫策入葱蒨寶

石與棲霞里許形已變雖無突兀奇幽與豁生面壞磴

臨懸崖蒙茸步難揀一客墮空山猿驚鶴俱顛

是日仲周失足

墮崖下

茆廬蔽叢篁雞犬忽一現朝曦上孤山對映目且

眩在巘復在原亭午遊未倦陰陰夏木中閒聽黃鸝轉

三週徐大河頭并勾留處觀荷是日相邀汪玉岑

張雨邨蔡安周共飲吳甥守信姪廷玠次兒廷

叔亦從遊焉限用勾字率成三十韻

初日芙蓉句高華不可求詠歌期古處夢寐在河洲出
戶香猶遠臨淵興更幽流連石橋尾輾轉裏湖兒小艇
沙屑湊輕衫樹角勾塗朱霞燦爛擎赤玉琬鏤幕裏曾

推演溪邊忽憶周潭潭明似鏡益益綠於油瀟灑鏡孤
餘綢繆照並頭綺交堤作畛繡錯水成疇花底聞呼鴨
塘坊有飲牛緣知邨舍業詎爲酒人謀菱芡租同入桑
麻利共收人皆懷白傅吾亦戀杭州槃澗長年樂亭臺
幾度畱有鴛依畫檻無妓泊蘭舟血化忠燐滿曦分火
微稠豔粧枝整整穠馥氣浮浮勁比銅盤掌多如海屋
籌雲深湘女怨華茂洛神羞穠矣高兼下泓然廣且修
垂風憐粉重折手愛絲柔勝社邨連郭良辰夏近秋兒
曹媿王謝朋舊擬曹劉野簌兼山蕨吳吟襍越謳管絃
雖聞寂觴咏亦風流前度踵前度後遊勝後遊儼攀王

母樹疑過岳陽樓常濕吟詩硯忙迎狎客鷗荷花應笑
我看到幾時休

題乞兒圖

吳市吹簫已徹貧淮陰一飯更酸辛須知滿紙饑寒輩
多少英雄落魄人

畫史偏工狡獪才筆端遊戲使人猜箇中誰是韓熙載
重憶歌姬院裡來

題陳老蓮所畫十八羅漢圖

後先參徹上乘功但見光明五蘊空八百應真推領袖
不勞飛錫已雲中

老蓮遺墨徧江湖傳得禪門列祖圖一十八尊呈變相
通神手勝貫休無

放棹

秋晴放棹孤山尾雨鬢蕭蕭照寒葦總然咳唾起魚龍
無復詩歌泣神鬼安西空自愛家雞魯縞思穿力餘幾
病魔複沓欺我衰宛似烏鵲啄螻蟻老來百事不如人
敢對匏瓜嘆吾豈

由西泠橋經地藏庵歸山莊

薄暮西泠路行吟策杖幽懸鐙僧誦佛歸釣犬迎舟有
骨山彌古無聲樹自秋柴門猶未閉應爲老夫留

吾衰

甚矣吾衰雪滿巾此心何想復何因靜中每得新聲鳥
病後嘗嫌久坐賓當路竹猶能避俗陶情詩豈必驚人
假年願肆窮經力終老名山作素臣

大雨將至

奮地雷盈耳奔巢鳥滿林水拖殘日瘦雲罨亂峯深已
解催詩意應憐避暑心老農矯首望滂沛喜從今

黃昏

夕陽好景漫吟哦試看漁燈出芰荷如水月華清蘸
黃昏還勝夕陽多

雙桂軒卽事

雙桂軒前兀倚欄，連朝嬾執釣魚竿。
世能知我交偏少，意不猶人句獨難。
宅近亂山雲借住，花開僻地鳥分看。
何妨觴咏兼絲竹，半學羲之半謝安。

小隱

敢與高賢列，何妨小隱稱。
檢衣寒有信，謀食老無能。
鶴夢花閒月，人吟竹裏鐙。
難將林壑意，訴與舊親朋。

題汪水雲集

臨安禾黍舊山川，回首燕臺路可憐。
羈旅君王同局促，銀鐙丞相幾周旋。
陽關句裡宮人泪，廬阜山中羽客紗。

重話六更天上事傷心更甚李龜年

書滕秀穎遺事

星槎一去幾時還夢裡華胥尺五閒花萼有魂相慰藉
龍髯無路許追攀黃縑空裏詞歸國白骨難尋雁入關
不減當年蘇武節丹青誰畫使臣顏

花下

摩挲老眼爲花饒祇怕風吹又鳥銜七字吟成刪未穩
亂紅影裡坐青衫

不寐

此心交百感靜裡正茫茫是旅秋偏早惟余夜獨長潮

夢接殘夢月影遞虛廊翻羨高陽侶終身在醉鄉

登天馬山

松風數里道盤輿天馬行雲按轡徐當面五峯青歷歷
卻疑身已到匡廬

往年丹桂花放自中秋木芙蓉盛於十月昨過花
神廟叢桂未開而芙蓉則已豔矣時候之遲無
足怪也花開失序抑獨何歟

紅綃清淺瓣交加影落寒塘浸曉霞誰信木犀香未發
滿園開徧拒霜花

送次兒廷瓊赴歸安登程後風雨驟至未知今夕

舟泊何處

湖上殘秋色空留老眼看菰蒲舟百里風雨竹三竿吾
飯何能健兒衣應更寒相期清霅鯉早晚報平安

重陽

楓葉蘆花共一邨聊將短句對清樽無田負郭倉箱少
不怕催租吏打門

敢說今年老更慵芒鞋藤杖許相從湖邊面面雲山好
捨卻登臨那一峯

枕上口占

竹屋蘆簾夜氣清黃雞唱曉太分明枕邊尙有安仁淚

一夢何能到五更

九月十一日偶至城中適屆鄉闈放榜之期六街

喧鬧觀者如雲不禁俗情一動感慨係之

人海聲喧桂樹風廣寒誰說在雲中如何草草來城郭
又悞青鞵踏軟紅

月地雲天盡著鞭江東羅隱獨堪憐早知有命操窮達

悔剔青鐙五十年

早知窮達有命悔不十年讀書此古語也意深而情泛余竊謂不言窮達

自宜讀書既言窮達何必讀書特爲下一轉語意淺而情真

少年冠蓋若雲屯方識文章此日尊笑我身如彌勒佛

一生長坐冷山門

料得今生已不如何須重撥冷灰餘路逢知己先揺手
休說山人也讀書是日道旁有人云某某用功讀書果
登榜上矣余聞之頓覺自愧且自傷
也

七九行

錢塘汪更庵老而無子其姪人受娠七十九月
忽生子焉更庵喜甚卽以七九名其兒徵詩
及余余爲之賦

奇男子寧馨兒懷胎七十九月無人知翁年六十又三
載石麟天上來何遲來雖遲慶方久伯在先仲在後歌
蟲斯兮酌大斗祝翁多男并多壽水雲老人開笑口掌

上孿珠呼七九

槐堂以過訪泊鷗莊四律見贈依韻酬之

憶別三年久重逢九月秋移舟煙水濶拄杖華門幽白
髮交無幾名山業共留煮茶丹井畔相對素濤浮

處士今何在梅花尙可鄰漱來流獨冽枕處石俱馴漸
與世緣淡倍憐鷗夢親汪倫詩句好增重草堂新

朋舊吳兼越

是日吾越方川二
雲兩太史同至

流連慰索居寒花籬曲

折短髮性迂疎不學鵬摩漢空隨蠹嚙書長吟風雨夕
慚媿病相如

高致非巢許清貧類孔顏不因行腳倦那得打包還一

領青衫老干聲落木閒懷人秋水外獨坐夕陽山

聞孫二永延訃

垂老驅車出里門八年憔悴與誰論情同蘇李形難聚
戚是潘楊境倍屯燕壘空畱無主屋鴿原都作未歸魂
那堪夢到燕南路重話陽川舊酒樽

題西湖軼事贈陳百藥

牢落青衫禿鬢儒流傳軼事在西湖雲山夢繞埋憂地
百藥自築瘞骨增於巾子山金粉香銷詠絮圖百藥室人李氏工詩
人得於都門社裡詩箋花競麗爐邊病骨鶴同癯嗟余
仍歸百藥亦是羅昭諫忍向秋林聽鷓鴣

一日新婦詩爲葉蟾枝之母孝婦胡孺人作

關心堂上翠眉顰忘卻昏期燕爾新克正婦名纔一日
已堅孝志到終身鏡臺自和催粧句病室爭憐奉藥人
廟見漫誇敦禮則有誰能解此情真

補背行

新安葉元標室人胡氏性最孝姑嘗患疽旣潰
之後口不能合醫者術窮危在旦夕氏私割臂
肉袖至姑所姑勿知也猝納於患處姑大呼一
聲而瘡口已合病獲痊較世之割股投藥者識
尤異事尤奇也余爲作補背歌以表之

姑背缺婦臂盈抽刀割臂臂有聲淋漓補背背肉生姑
背盈婦臂缺背痛方寧臂痛絕但得姑生復何說美人
曾補額處士嘗補唇未聞同室者剜肉救所親葉家孝
婦孝獨純兩身膚合如一身君不見百藥無功醫不識
精誠到處回天力滄海可填河可塞

余在山莊終日獨坐宛若枯僧戲賦一律題於座
右

老屋低圍薜荔牆長依清淨水雲鄉未除一髮猶煩惱
試叩三乘豈渺茫詩句偏多蔬筍氣房櫳已斷綺羅香
若教添箇牟尼像便是維摩古道場

重過愚庵

閒支新竹杖再到古禪房
舊砌增凹凸雛僧變老蒼
鋪茵眠樹影舉鉢飲山光
重續舊題句巖花賽墨香

解纜

門對重湖影裏開垂楊搖曳水潏洄
扁舟解纜雨初霽
擡眼好山無數來

由淨慈寺歷西南諸嶺至虎跑禪院

駐楫蟹簍旁言尋淨慈路一片湖岸雲隨人人巖樹濟
公大乘禪肉食心自素闢此蒼荀林禮拜有餘慕寺後
松風長導我穿磴履幽禽多逸聲迴嶺少捷步嵐光閃

清園山房集 卷三
眉稜杖影接花跼要窮巖壑深詎惜腰腳苦好峯對面
迎如朋得良晤名泉虎可跑甘冽乃如許康王與中冷
烹瀹奚足數木末長明鐙琉璃罨煙霧徘徊僧未逢坐
聽風鈴語

咏罌粟花

絕豔華容映畫廊春深夏淺媚風光葉如露芥叢尤密
榦比風荷影更長未許移根辭故土偏能變相關新粧
詩人老去無燕玉聊當金釵十二行

裏湖

楊花落盡裏湖濤白髮銷魂在此閒屢屢橐空何日滿

堂堂春去幾時還須知種德原同樹除卻觀書只有山
歸岫片雲仍出岫更無人似老夫閒

伯鷗山房集卷三十一

會稽 陶元藻 鳧亭

詩十七

越中懷古四首

梅梁千載昧前因，黻冕埋藏跡更陳。
疏濬告成書曰貢，蛇龍驅後德稱神。
靈依金簡雲霞穴，魂繞塗泥草木春。
一片石頭傳下窆，青山無語自嶙峋。

抉眼城闌慟伍胥，臥薪人竟沼強吳。
倘教石室留羈旅，能把黃金鑄大夫。
六翮飛鳴真倜儻，十年訓練亦勤劬。
南陽宰殉先王去，又見宮牆叫鷓鴣。

高谷深陵變已多亭前非復舊清波才如大令偏無句
紙到昭陵有換鷺門酒地荒惟蔓草討春人去牘烟蘿
年年修禊渾閒事終古風流說永和

零落珠襦古蘇斑紅兜劫徧六陵閒故宮禾黍悲遺老
玉匣蛟龍泣亂山寒食東風香綺斷北平殘照酒顚還
樵人也解林唐恨每過冬青不忍攀

題鄭耘川坐愛楓林圖

誰將東絹染雲烟畫出長征老鄭虔故樹忽驚新有燄
勞薪暫與逸爲緣半生在秋聲裏一幅山疑落照邊
始信詩中真有畫王維輸與杜樊川

題年歲襍咏二首

詞客偏工咏物篇
闢題競擘冷金箋
分明一管幽風筆
寫出春王正月天

冰雪聰明作賦才
梁園不數漢鄒枚
太平風土春城樂
祇有梅花共見來

題黃翠箇筍輿朝山圖

雙闕競瓊臺
天秀出月斧雲頽南
部洲青峭兀撐拄
卓哉華頂尊
胚胎赤城祖
石梁龍亘秋碎瀑
濺靈雨流水
桃花香粲者在何處
我會經鶴溪去
山纔數武造化匿
奧區無由撥雲覩
何來餐霞人
高致絕儔伍
旣揚淞水

帆復搖刻溪觴籃輿駕兩肩冉冉入仙土不辨磴險夷
但覺頭仰俯窮彼萬八千濟勝勇可賈歸來語畫師寸
楮羣嶂吐遠樹帶遠人傳神在阿堵芥子納須彌圖成
墨猶舞晨肇蛻已無興公賦亦腐數筆新烟霞幽異自
領取

黃書厓胡兼沚姚春漪過余泊鷗別業以詩見贈

爰酬一律

山氣浮青雨後酣
起晴煙艇駐空潭
波生寒渚秋方九
友到蕭齋益有三
花逕疎蕪非杜曲
吟箋幽秀勝樊南
余家鄰近王充宅
徒媿中郎客座談

范石屏仙湖山攬勝圖

湖邊風月細評論
蒼鮮青蘿手自捫
南北兩峯幽絕處
石閒強半有題痕

數月攤書佛火中
段家橋北劔門東
寺樓未了看雲眼
還命煙波寫惠崇

歸安范惺齋明府同烏程興明府招飲湖東別業
索詩爰酬二律

段家橋外水天長
飛蓋停雲蟹舍傍
臘月人宜新輞口
山城花競兩河陽
同舟仙侶真豪俊
閉戶青衫愧老蒼
多感高軒訊幽仄
爲移樽榼過林塘

晴和風日酒如澠相對煙霞地一稜祇喜宰官逢卓茂
敢云巖谷有孫登占星太史人方羨作賦梅花我尙能
鷗夢不辭雲水濶應隨煙棹下吳興

遣懷六首

春風吹縹軟玻璃帶束蘇堤又白堤載得落花紅半艇
一篙撐過斷橋西

白髮人依水一方麥秋天氣晚風涼杖藜休管黃昏近
且看湖山好夕陽

重過無門兜率宮苔纏古壁舊題空回頭多少人琴感
都付潭光鳥夢中

不翦庭蕪嬾著書才疎只合閉門居也曾想徧人閒事
十意何能一意如

敢誇一字一絲才破硯難支老又催他日輪廻須猛省
莫教依舊帶貧來

如紙交情那可看借荊州易借金難人前莫說囊空苦
恐有錢神胆要寒

鰥居三首

茶鐺藥臼病中身草草流年又一春昨夜月華今夜雨
最分明是獨眠人

四十年來羈旅中婦如孤燕我孤鴻而今有案無人舉

誰薦文昌李浙東

匡床七尺一篝燈
冷煖同誰話寢興
江上自來還自去
有家渾似出家僧

課孫

淪落江東兩鬢絲
文章滋味已曾知
無田畱作謀生業
又課雛孫誦學而

余偶檢舊稿摘五言詩句數十聯命琰兒書小楷
於扇一日游邱家湖扇忽失去故誌之

拾遺堪笑野人癡
不是黃金焉用之
卻幸煙波雲樹裡
漁樵尙識老夫詩

短髮

短髮言俱怯長貧氣不蒙到門湖水白過嶺鴈聲高老
去思燕王秋深戀縕袍一林黃葉下默誦楚離騷

納姬四首

聞說東坡與樂天婦人扶醉上湖船長堤不改裙腰綠
誰繼風流六百年

仰視銀河夜未央小星隨我杖藜傍白頭自量桑榆路
羞向紅顏話短長

日照書籤卷未開畫廊鸚鵡已相催碧紗窗外聞吳語
知是蛾眉問字來

年年風雨冷蕭齋人煖今秋慰老懷
鐙下每驚羅綺影幾回重感舊荆釵

寄懷廷珍

行舟洒淚訂歸舟屈指秦雲幾度秋
捧檄有方難就養抱孫何日慰貽謀
此閒雞肋緣多悞前路羊腸莫再投
垂老光陰去如箭那堪離別更窮愁

壽鄭誠齋宮贊七十

曩時太乙精吹火天祿下熊熊老人星
今復照休暇癸卯斗插寅過國杖逢乍
若教日比年七十猶未夜無限夕陽佳
煙光滿桑柘憶我識君初春明虎坊舍
三年離

緒生風雪逐行靶重逢五嶺閒聯韻對珊架摩挲默寧
書九曜碧如研雲波阻雁魚又別幾冬夏籃輿過山莊
鬢髮感並化君文澹彌醇垂筆智珠瀉靈光歸然存一
硯浙西霸我詩類寒號應候噓敢嘆媿無才可量擢穎
抗曹謝天聚兩衰翁塵冠許長卸挽強入詞壇魯縞尙
能射傾醪荻風舟煮菽蘿月榭宛疑王與裴幽夢寄元
灞今年泊鷗荒未枉故人駕吾亦愛吾鄉雞黍戀幽蟻
年華長二齡頽朽怯天借一齒擺郎當肉食常自怕誦
讀疎且忘老嬾遭客罵君本松柏姿學易年應假雙眸
碧於湖炯炯良可藉名山寶奇勲抽秘正難罷伸紙小

長蘆龍蛇走松麝展以屏九雲植以燭雙樺羅拜兒孫
賢一一畢婚嫁願得壽而康餘甘勝於蔗

壽招賢寺心遠僧七十

大恆上人清且雅當年挂搭孤山下我來自東梅正開
笠屐招尋看花社千詩百賦脫口成尤擅丹青妙摹寫
浮屠幾輩存性靈執拂寧容鈍根者雪恬長老曹溪禪
蒙泉落染沙彌年擔柴運水五十載布袋頗有祇陀緣
晨昏禮拜法王座磨凹膝底雙青磚清齋供養十方眾
幾參玉版春風前老僧寶我題壁句廿年重過痕猶鮮
天遣塵埋雪公土毗盧溷濁狐豕聚恆公弟子打包來

除掃腥羶豁庭宇荒寮翻作大覺場撞鐘吹螺伐鐃鼓
琉璃火照鉢水香世尊光輝獅象舞林塘舊跡我未忘
況構山庄近僧廡談元坐對架壑橋涼月風吹上蘿戶
歲在癸卯季夏中僧年七十齒德崇升稜雪洗清到骨
談笑尙卻千羆熊入城出城疾於鳥人閒揷挂藤無功
西方佛有無量壽聞言驚倒百歲翁人天師眷清淨種
後彫畱作禪門宗羣山蒼莽兩湖碧轉憶恆公兼雪公
畫梅行爲童二如作

我有庭梅幽且怪鐵幹撐牆古藤挂一嘆寒柯枉自奇
幾時修得山人畫山人善畫尤善詩梅花畫就詩侑之

胷中萬頃香雪海傾瀉縑素煙雲馳天機所到心膽大
巧與古會何常師淡疑墨脫仍得墨骨格瘦硬偏多姿
山空野曠氣蕭瑟虛際寫照誰能知毫端有癖楮有春
大尋小尺傳紛綸畫梅如畫化身佛莊嚴游戲皆通神
原無因想自無着豈容色相沾微塵山人性逸畫更逸
前生應是梅花身春風吹綠揚州境硯匣書床倍修整
二分月照度江鴻寄我橫斜一枝影

壽夏更生廣文六十

南北峯頭鴈影斜懷人秋夢隔蘆花覽君尺素蠅頭細
媿我三年馬齒加早闢鄉園鄰夏孝復編游錄富金華

莫嫌老去官猶冷贏得傳經侍絳紗

握別吳山又一秋雙溪難放剡川舟郡中教洽胡安定
樓上吟高沈隱侯白髮影添新甲子古心人數舊交游
明年紅藕花時節重約開樽過泊鷗

誘竿行

乾隆四十五年奉 詔海寧柴塘改爲石塘其
地有鐵板沙不能下樁在工者計無所出忽有
老人不知何來謂樁役曰可伐竹一竿先插於
土其穴誘之使深徐以樁植之功當可奏言訖
不見如其言試之果驗余詢石工言之頗詳且

咸稱其竹曰誘竿因作誘竿行以誌盛

江唇海隅根相維洪濤澎湃窺城隍海塘捍海海寧險
我

皇南幸烝民熙鳩工萬指柴易石要垂永永苞桑基老
鹽倉西沙土惡地不効順功難施後椿耶許聲未已前
椿躍起形傾欹千夫束手官吏懼誘竿奇畫獻者誰貧
營瘦直插厚土淺深以漸上下之拖泥帶水出孔洞如
喉滑瀧轂潤脂竿拋椿入不少待畱其數尺鋌而夷鋌
椿聲輕用力緩頑沙若睡何由知諸椿排立次第穩例
從其朔詎差池魚鱗石疊鉤紐壯僵走罔象巫支祁

聖人建造百神助雲端下降公輪師化身忽現無我相
指示真快人心脾挽回造化在微妙發洩機奧天無私
張華博物猶未逮何況畚鍤蚩蚩

余性愛方竹於山舟侍講處乞得數十竿植於山
莊俄已枯其大半以是知人世閒圓轉者易榮
華方勁者多落寞大都皆然也豈獨竹哉感成
二絕

郭內根移郭外多愛他圭角共摩挲那堪銷盡凌雲氣
空向西風怨郭駝

可憐憔悴若枯僧品格殊凡浪白矜圓篠滿山濃翠好

此君何事不摸稜

柑園歌贈成郎中成山卽以寄懷

夏雲蒸騰寶蓮朶雷公劈蓮半天墮苔纏蘚羃藤絡之
卓立柑園青磊砢我嘗愛此小衡巫數數支頤下階坐
假山賞鑒同真山石若能言應感我繞垣花竹清且妍
五大夫尊居厥左四時好鳥百變聲儵魚依蒲坎爲可
昨來九月策短筇客來主去琴鳥空花閒未見掃逕僕
砌下祇有鳴秋蟲茶鐺響罷客駐久敗葉落盡前軒桐
郭門獨出晚涼路蘋末頓起吹衣風夕陽正挂靈鷲樹
一抹倒射南屏紅鄉書趣歸孟冬朔乘潮我已懸帆東

江吳岸越兩濶絕時時目送西飛鴻三山朋舊多英雋

撼地風波驚接踵

謂興泉蔡觀察獻來延平傅太守見素泉州陳太守濶占南平衛令復山

彰化家令讓泉諸君也

顛危悔不林下游早脫朝衫就荒茸雙井

會封跡固奇

南安邑宰數十年來罕有遷擢者形家言城中有二井乃縣治龍脈所係塞之則吉

矣成山下車初余以此言告卽塞其井果擢臺

灣司馬而去成山會屬余作黃祠巷雙井碑記急流竟

退心誠勇

成山臺灣俸滿卽招職此園惟爲賢王留眼部曹不復有出山之志

見雲霞罨櫟拱幾人白髮到期頤那有黃金殉邱壠山

人娛老西冷陬古牆不聖屋打頭朋來思結觴詠社尙

欠臨水三閒樓柑園無柑應有酒聽鸝何必桐廬舟主

人不厭潦倒客相期重過黃花秋幽欲生雲望疑野爲

題素壁開青眸

題友人春水泛舟圖

浮家愛住水中央
鴨綠春波浸滿塘
身似此舟原不繫
隨風吹到柳絲鄉

西湖曲和東坡原韻三首

湖心下瞰龍宮幽
長堤手拂元祐秋
遙瞻二十五萬丈
晴虹偃臥橫中洲
雕闌鴈齒架碧落
明波通處嵐光浮
亭亭西子雙鏡夾
花枝得氣春風留
鄴侯歸香山去誰
從林壑稱真休

北峯雲接南峯幽
春光明媚凌三秋
木蘭輕艤影搖動

玉簫金管魚鳧洲虎跑清泉烹楮枰梨花甕倒太白浮
湧金城頭譙鼓發錢塘太守猶句留朝參禪暮說偈琴
聰靈殊勝貫休

宸章揮灑湖山幽清寧天地承平秋七尺珠簾捲香霧
芙蓉牋映珊瑚洲南屏欲雨猶未雨迷濛雲挾山沈浮
欸魚小舟不歸去白玻璃內煙簑畱賦蓼蕭歌湛露各
守爾典承天休

久不得珍兒音信時適蘭州有回寇之警賦此寄
懷

一官悞汝到而今長路漫漫費夢尋烽火頓驚邊徼客

鴈行偏斷故鄉音，倚膺民社承宣職。須切流亡撫字心，
憶我白頭歸亦好團圓。知有幾光陰。

過泊鷗莊

白髮山莊主，斜陽出郭遙。閒攜新笠屐，重訪舊漁樵。
樹擁風歸屋，波迎月度橋。梅花開已近，相訂理蘭橈。

弔雲屏五兄

翦紙招魂鬼，尙新草堂筆硯已生塵。饑寒便是膏肓疾，
衰老休言去住因。一息尙存猶有我，五年以長更無人。
雲屏兄長 尤憐門戶蕭條甚，忍對孤兒淚泣巾。
余五歲

酬梁山舟侍講贈杖

乞取仙人九節形楚材越用豈無靈分明刻劃天工巧

幾疊煙波皺洞庭

杖係湖南所產

非藤非竹亦非藜扶我看花勝小奚好鳥莫呼泥滑滑
白頭挂過斷橋西

游城山寺

連峯忽斷險且夷陰濃竹木周籬籬峯頭見樹不見寺
白雲蒼靄因重之鐘聲百八天半落淨土漸有遊人知
我經四百幾甲子搜剔幽奧忘其疲茲山在我几榻下
白首始獲登臨期山門笑絕彌勒佛興固不淺來何遲
空翠撲衣啜茗處妙香生鼻談元時許家江家兩寂寞

園亭早作僧寮基越王年遠更千載那有葛叢空山遺

錦衣化爲蟲鶴去鷓鴣麋鹿同淒其人天師卓鐵拄杖

妙緣旣合誰能離撞鐘伐鼓巖谷震降伏龍象搏狻猊

越崢越城去尺咫居東何復從西移老僧指點磨劒石

劒光銷滅苔痕滋模糊洗馬跡難辨一泓賸碧寒差差

土城迴環僅百步五千甲楯將安施

磨劒石在寺後洗馬池在山門首又

有土阜斷續在寺左右卽越王舊城遺址

姑妄言之姑妄聽必求甚解翻生

疑兩湖左右夾金鏡照見五蘊清心脾聽松頗覺吾耳

順煨芋恰與殘牙宜羣巒入冬瘦突兀禪窗閒坐支我

頤武公耄矣猶好學著書自媿荒於嬉明年天假老夫

健重踏雲磴參牟尼

得兒子廷珍甘肅來信聞回賊蕩平喜而有作

鐙下披函仔細看家人環聽共生歡一九封谷

皇輿固六月興師賊膽寒

阿公福公俱於本年六月領兵進剿頓釋老懷

歌燕喜大開笑口話平安微勞何幸功先叙廷珍以守城功仰邀

議勉答

君恩做好官

題汪龍庄藝蘭小照

素心人住洛思東傳出鬚眉尺幅工相對散花天女坐

全家俱在妙香中

黃磁斗裏著根初培護春晴煖氣噓畱與寧馨兒作樣
莫教輕佩楚三閭

題汪龍庄秋夜校書小影

羽陵冊府紅蟬趨窮年搜討難窗儒牙籤插架手未觸
雖有三萬猶如無卷書休貪清曉坐南山空對高稜娛
三餘良候夜居一焚膏繼晷功相須湘湖淵秀才士數
吟壇文社凌通都二周凋喪三十載謂亡友西序
青崖二昆也後賢
嗜學誰勤劬聞君古經汲不倦我浮大白騰權呼卷帙
豈因謀食廢硯田肯爲成名蕪賣文錢作買書價要同
天一爭贏輸職方已盡南贍部齊烟九點縹緗紆各省
通志

龍庄收貯已備畫工畫貌先畫意摩挲蠹簡心踟躕作乎述乎
了未辨爲經爲史云何肝漏長頓覺燒燭短梧桐月淡
星模糊歐陽夜讀隔千載誰傳粉本成斯圖垂頭童子
睡未醒猶疑獵獵秋聲麤

輓張母馬太孺人詩

存孤存墓兩關情墓若傷殘孤豈生同穴百年無外侮
其昌五世藉佳城心懸越膽終朝苦身比涇河澈底清
話到泉塘橋畔事方知健婦勝程嬰嗣寧張君墓在泉塘橋畔有人圖占其地馬孺人鳴官保全

張孝子詩

天生孝子湘江沚失父煢煢母兮恃天意憐孤人侮孤
泉塘橋下驚波起兒孤墳不孤窺伺伊誰始悞者禍之
胎謀者實逼此母子守墳同嚙指直於長官謀乃止松
楸牢固漆炬寧碑版無人濺泥滓白頭母氏操凜霜輪
軒下採聞天間烏頭雙闕雲漢蠹寒螿生死叨恩光惟
母節旌有坊惟子孝祀有堂茲堂肇造母猶在板輿流
覽兒扶將背年表恩今表節仰瞻檟栴增悲傷母之來
兮靈洋洋奉盛奉醴禴且嘗祠中一榻孝子臥慘淒霜
露摧肝腸兒廬墓旁母不拒兒依母祠母應許里門回
首遙復遙五載荒迷鈞游處龍蛇歲值膏肓豎夢母牽

衣到泉土家人繞榻勸生歸垂死孤兒泪如雨墓不沈
分祠不移此心千載無歸期此心千載無歸期棺卽他
歸魂在斯

乙巳臘月五日余七十初度詩以自壽

行腳關山路幾千虛聲浪播等雲煙鬢毛端爲貧先白
詩骨寧誇老更堅木以不材常得壽蠖因長屈竟忘年
貽謀我後無他物一半心田半硯田

漫說巖松不易彫據鞍敢對少年驕路侵滑磴先人怯
食遇殘牙後客消雪案空堆書萬卷風檐孤負燭三條
從今醒卻邯鄲夢合併寒漁並老樵

黃昏雖近夕陽明萬里雲天重晚晴舊雨問誰猶後死
陳人羨我已長生千鈞弩未知無勇百歲途遙尙有程
蓬華不同朱戶客莫將野老認耆英

買得山庄字泊鷗竹籬茅舍亦清幽小橋幾度尋梅屐
淺水猶通載鶴舟客我枕流兼枕石任他呼馬更呼牛
數年天假加餐飯還作江湖汗漫游

汪龍莊謁選贈行

昔日汪倫送李白離情深過潭千尺桃花依舊漲春波
相送汪倫可柰何越王臺下英賢聚幾輩知今復知古
吟得新詩一起予

日前示余畱別同人之作

頓教白髮聞琴舞爲霖

作楫會有時絃歌百里權輿之參軍歷聘數十載屏絕
干請嚴操持烹鮮寧異代庖日應卻暮夜金無私眼前
瘡消心肉去閭閻窮困須周知公庭一撻沒齒辱慎勿
小過輕鞭笞揚帆好趁風力順勇退莫負葦蕘遲治聾
能已老夫疾時余患耳聾之症要聽謳戴風聲馳芻蕘縵數
行語差勝三疊陽關辭

懷西湖舊莊時值久旱年荒未能西渡

一別湖山到故鄉紅塵堆裡度韶光占年未沛三農雨
攬鏡徒增兩鬢霜豈少嶺雲容嬾散媿無廩米恤流亡
初春已負觀梅約寄語梨花緩緩香

酬和許石蘭司馬見懷原韻

誰爲流傳壁上篇枉臨空谷語當年

日前石蘭訪余湖東別墅

文意

敢說驚人早山水聊稱得地偏禿盡鬢毛無藥駐飛殘
天日少繩牽重吟元度新貽句槃澗衡門付鄭箋
久不得珍兒音信悵然有望

我已如晞露兒猶似轉蓬六年違定省十月斷魚鴻
軼掌寧辭遠忘家願效忠官遲孫又晚何以慰衰翁

初夏卽事

茶竈書床小院幽呢喃歸燕坐簾鉤殘花聚逕紅雙屐
新竹當牕綠一樓戶寂幸無招飲客鄰喧知到買魚舟

來朝准赴山靈約預檢青錢挂杖頭

王介然善形家之說訂游華妃尖水楊塢諸勝昨
以疾辭林禮南工繪山水訂過草堂作畫復屈
期不至

青鳥靈搜屐齒閒臥游還想問荆關無端兩阻煙霞興
挂起西窗獨看山

留中邱壑要評論准待羊求共酒樽今雨不來同舊雨
一庭深草閉間門

泛舟芝塘湖

孟夏暑未深白髮勇可賈言出城東門煙江破柔艣遙

見山陰山層巘碧紛縷嵯峨匝晴湖石腳插西澣維舟
林麓邊攬秀得庭戶一徑亘清湍人煙接南浦徘徊數
里閒風煖日卓午山影波中生鏡淨眉更嫵桓桓朱少
師偉績垂銅柱冠劒埋崇岡捫碑慕終古陰崖北渚連
雲水互吞吐芒鞋轉忘疲峯態隨步武豐草沒坡陀杖
怯不敢拄懸巖亦蒙茸突兀疑坐虎何來郭橐駝種樹
偏村塢駢枝李與梅纍纍實堪取冥搜境靡窮夕照落
蘅杜回首暮煙橫禽聲樂方聚

泊鷗山房集卷三十一終

泊鷗山房集卷三十二

會稽 陶元藻 鳧亭

詩十八

接甘肅家信用廷琬原韻賦成一律

驛使新傳嶺上枝開緘慰我夢魂馳一裘輕煖千狐腋

百韻纏綿五字詩

廷珍寄余狐裘一襲壽詩二百韻

授爵未承

丹鳳詔貽謀先望石麟兒遙知官署秋光滿正是啼聲

試聽時

廷珍年已半百尚未舉子今書中云婦有孕余喜而望之

丙午七夕軒孫乞詩於余遂賦二截

團團佳節火西流經歲離情訴未休我有糟糠恨長別

舉頭不敢笑牽牛

銀漢光隨月影來穿鍼樓畔碧雲開縱然乞得千般巧
誰重殘年八斗才

題何春巢賣花圖二首

虎阜雷塘露滿鞦一聲聲又過秦淮十三樓上新梳洗
齊捲珠簾下玉階

夕秀朝華次第尋春深忙罷復秋深年來爲問何平叔
賺得佳人幾餅金

閨七夕

舊識流螢去復旋輕羅仍撲畫屏邊重尋天上畱餘巧

縹緲雲閒未了緣
水珮再臨波淺淡
星橋又費鵲纏綿
老夫腹儉無多字
一嘆中庭兩度眠

九月二日偕李姬桂芬并軒孫軫孫寧安二女孫
採菱城西舊莊

曾聞蕙與蘭花榦
難一視菱芰味同佳
厥角亦殊致西
邨嘉種多亭午移舟始
密葉覆清波瀾漫布汀
汴擷之
偏反而釵影落秋水
諸雛競紛拏多寡矜爪
觜舡欹舟
欲傾我僮童轉喜歷落
翠成堆淋漓淨無滓
甘脆宜生
餐大嚼苦無齒燒殘品
字柴熟食尤軟美夕陽
滿蓬窗
采采猶未已來秋健老
饕烟艇思再理

命僕西牆下種竹

疎華挂黃團秋畦布寒菜何可一日閒而無此君在徘徊西園西鋤鋪命阿對移根自南園搖曳有餘態猗猗古牆陰風景增且倍林梢月初升倒影金瑣碎雪壓夜闌時清聲更吾愛

九月九日同安周望東暨廷琬輅軒諸幼登北山黃華繞路影周遭酒熟螯肥杖履豪出自北門山突兀時維九月樹蕭騷與偕童冠俱忘老便陟嵩衡豈憚勞不羨滿城風雨句大夫能賦在登高

過來端植堰西舊業看憐同游者來琢如暨次兒

廷珣孫軒姪孫輅時在丙午九月十一日也

陸吉芳名冠越州荆南休復傲千頭迷離葉底丹黃影
點綴人閒冷淡秋懷去恨無親可獻剖來樂與叟相酬
尤憐樹杪簷楹好山色江聲共一樓

九月二十日邀王介然并攜兒子廷珣泛舟湘湖
由菱山轉宿獅子山房次日渡湖登蜈蚣山是
夕仍還宿獅巖又明日廻歸

四山霜染丹楓齊中流放艇隨鳬鷺秋潭寒浸半篙碧
蒹葭穿破菱山西黃昏日投獅子屋清晨又杖蜈蚣藜
窮搜遠歷窈窕谷紅日遽墮寒生畦邨廬湫隘佛寺少

身如烏鵲無枝棲迴橈瑟縮天更晦浦溼莫辨洲汀迷
明星雖爛月正黑夜珠何處求神驪暗水路長烏拍拍
荒砧聲斷風淒淒船頭忽見石突兀打門仍上蒼苔梯
山房未移會宿榻木葉已滿初經蹊懸鐙再續昨宵話
寒蟬依舊喧人啼平明啓戶雨非雨連天霧漲藏虹霓
鴻濛氣合混沌界那有陵谷分高低天東一綫日光漏
乾坤下闕呈端倪須臾淨掃巒嶂出峯影倒插明玻璃
行廚淡泊客不責一榼鮭菜奚奴攜烟雲供養朝復暮
勝傾白酒烹黃雞經年不到泊鷗墅滿膺塵壅難鋤犁
今朝得與山川遇頓覺膜翳開金鑷兩峯三竺晴翠在

耕營蘇白橫波堤人生如夢懽有幾窮年矻矻空居穢
聽松聽水幽處好蕙帶足傲通天犀墓門碑版誰不朽
且留千載磨崖題老夫耄矣泉石癖猶嫌晝短慳攀躋
歸家未信勇可賈請看兩腳青鞋泥

大司馬彭公芝庭輓詩四章

閒氣靈鍾仰鳳麟元鑑家學溯前因何當明已今辰歲
偏厄嵩生嶽降身北斗精華躔已失南齋供奉墨猶新
尙書清望邀

天眷應念香山痛老臣

震澤滔滔歎逝波勲垂韓范豈消磨懸車吳下

君恩疊化鶴天邊巷哭多海內羣英珊在網階前諸秀
玉交柯魂招五福長洲苑不是蘅蘭弔汨羅

自慚迂拙負帡幪長類寒號樹底蟲驚說夢龍神坦化

彌嗟蒲柳影飄蓬青眸曾鑒江心句

余嘗游東甌江心寺有雲圖孤嶼三

天竺人到甌江小普陀之句公擊節嘆賞因題余詩卷

云千巖萬壑舊尋搜到處題襟墨浪浮擘畫剡藤箋百

幅流傳佳

白髮誰憐爨下桐一十七年離緒澗里第迄

句滿東甌

今十七儀型終古悵西風

草沒平泉廢咏觴雲霄空想履聲長一言詛重人何在

辛未歲公重爲浙江學使將出都謂余曰會稽諸生學

問無出君右者明年屆選貢之期應宜赴試適爲友人

所阻需請京師

兩世恩深戴未忘

余兄章煥暨兒子文廷珍皆公門下

遂不與是選

獻莫追周石鼓楷模頤圮魯靈光門牆多少能文士祇
有侯巴淚滿裳

題御干姪深柳讀書堂小影

稽山之下鑑水隅柳絲鄉繞簷楹俱明窗瀟灑讀書處
誰其寫入丹青圖方塘淨綠不忍睡田田荷葉魚兼鳬
平橋壓水虹影短虛廊一折欄縈紆紅鸚傳喚哀師出
蕭奴鄭婢相持扶清聲雛鳳丰骨美蘭芽秀映瑤環瑜
仲容原是竹林選生男又屬吾家駒堂構思舉汲綆遠
箕裘肯使青箱燕三餘課兒還自課咀含史馥經膏腴
寸陰分陰常自惜晨書暝寫良勤劬江湖八月聲正壯

詞源滾滾爭奔趨秋風吹我老眼豁要看高足騰雲衢
諸曼如作三僧小影蓋取三生之義乞詩於余爰

題二絕

莽莽恆河萬劫沙抽身挂搭小瑯琊寒山獨解文殊諦
重蘸紅金寫法華

空門有相本非空天竺山前覺路通誰是心朋李居士
夕陽牛背認圓公

題百松圖

前年余七十初度廷珍賦五言二百韻由秦中
寄余爲壽明年夏五廷珍年五十擬和一篇以

慰其意顧老嫗不能爲長律爰繪松百樹賜以
答之

炙硯冬晨雪似鴉摩揩老眼寫槎枒蟠根歲久材方大
承露天高氣自華誰向深山傳骨相便教虛室起雲霞
圖成百樹徂徠影映爾河陽滿縣花

題何葭汀循陔圖

畫卷長攜掩復開關山處處是南陔他年官閣行吟日
應愛芳蘭不愛梅

哭超孫

無復羊車秀來扶白髮床不因生愛惜那覺死悲傷索

泃山房集卷三
餅聲猶在穿墳草已長含飴轉含淚垂老感蒼涼

重游城山寺

洗馬池邊兒率宮離離古壘夕陽紅天開一徑攀躋險
地瀉雙湖色相空禮拜願從菩薩戒行成不羨大夫功
五年兩踏曇花地重領茶香竹院中

三過梅湖

性癖思分野老甘潭光山色屢相參犬迎客慣幾忘吠
衣受風多欲退藍未了鶴聲飛一一纔窮松逕折三三
劉伶畚插終難學要倩宏農爲指南

新晴

柴門微雨正新晴
瑟瑟烟光滿眼生
一角壞牆鳴蟋蟀
秋聲隔斷豆花棚

懷廷珍

邊徼空憐捧檄奔
晨興西望到黃昏
琴樽小几爐灰冷
風雨殘燈鴈語渾
初乳一孩啼失母
歷官四邑貸無門
聞廷珍告貸寧遠竟失所望故云
阿翁滿腹桑榆感
不忍將書寄泪痕

題金羽儀求已圖

垂頭抱膝兩眞容
等樣難消磊塊胸
相對無言轉相笑
我須忘傲爾忘恭

回頭彼岸破重昏
無想無因淨六根
檢點一瓶兼一鉢

莫教輕易出山門

詠史

憔悴珠鉤大漢風
傾城自負竟成空
紅顏原是黃金好
休對琵琶怨畫工

過餘庵二律柬寄平確齋

輞川莊上小名藍
仙吏歸休佛共參
歡喜幸生南贍部
尋常肯作老僧談
半篙鴨綠春初漲
幾點螺青雪後嵐
如此風光自磨洗
餘年滋味有餘甘

烟邨梵境越中稀
亭榭參差接翠微
無垢湖光同解脫
有緣竹樹盡皈依
論文那得星常聚
鬪酒還期盞共飛

回首白雲青嶂下梅花香過釣魚磯

同兒子廷琬姪孫輅孫軒暨兒媳來氏婦人李桂
芬女孫雲珮蘅姐泛舟梅湖游浮峯古延福寺

湖上浮峯一柱斜烏篷載酒駐晴沙全家身到菩提岸

半嶺香聞薝蔔花陟磴頓增司馬渴參禪先乞趙州茶
鐙篝夜讀人何在祇剩琉璃照法華

寺爲王文
成讀書處

過嘉湖沈南汀別墅採楊梅

水色山光聚漢陂招尋卻與老夫宜東窺項里林偏美
西乞金婆種更奇內外丹成光似火中邊甜徹味如飴
廿年不到楓亭路重對楊梅想荔支

題畫二首

看山老眼未模糊
驅遣烟雲胆尙麤
祇媿昔人詩有畫
不知此畫有詩無

拔地終南翠幾層
雲開清曉見高稜
松風不許空山靜
吹醒茅庵入定僧

九日題止水庵

幾處嵐光杖撥開
何緣知止到香臺
徘徊觀水非無術
鹵莽題糕媿不才
寒衲影歸黃葉路
離鴻聲墮碧雲堆
壺觴誰是桓南郡
重見參軍落帽來

木末遙崢竹外湖
一潭秋水供文殊
禪門初結禽魚社

盡史應添筮屐圖好句得時無吏擾懸崖登處有孫扶
明年淮赴青山約畱此烟霞待老夫

送姪孫輅赴楚

孤舟今夜泊蘆花應感門閭夢到家水驛山邨幾千里
洞庭西去是長沙

梅湖卽事

頗有烟霞癖閒尋鹿豕羣峯形隨步改水色自橋分小
艇畱殘照寒鐘過白雲漁樵不相識扳話亦殷勤

宿浮峯寺

一逕入林於諸天淨有餘泉甘久晴後蛩開晚涼初支

枕星河近懸鐙竹木虛何時謝塵鞅長伴老僧居
嬾散隨芒屨勾畱在上方嶺橫雲隱殿月上水生廊山
氣圍茶竈松聲滿客床媿無金布地索句獻空王

齋中菊花開放甚盛喜而賦之

芳叢宜整復宜斜百翦生綃散落霞爲愛秋容多晚節
敢矜故物是吾家嘉名增訂人間譜幻種新傳海上槎
堪笑漢儒編月令但知寒菊有黃華

昨歲花迎笑口前狂吟曾學杜樊川英餐秋夕仍三逕
簾捲西風又一年相對鬚眉人共淡交輝鐙月影俱圓
消磨市上醵肥候直到橙黃橘綠天

謝墅山中自營生壙二首

不愛平蕪買墓田，懸崖高處卜新阡。
餽糧烟艇隨鷗至，鎗火山樓聽雨眠。
自古是非無定穴，從今修短任蒼天。
兒能視膳孫扶杖，差勝他年挂紙錢。

蓬壺無路許躋攀，靈藥誰云可駐顏。
忍把文章埋地下，悔畱姓字在林閒。
一抔幸得依先壙，百里何憂窆遠山。
閒卻白雲先占住，笑余行腳幾時還。

金銀花

忍冬藤上白兼黃，神農選用良妙藥。
難醫寒士病，虛聲幾賺美人粧。
性殊玉竹名爭重，豔異珠蘭味轉香。

自媿長貧花獨富幸無驕我許先嘗

項里

烏騅一去里門空子弟相隨不復東作史到今尊本紀
爭功何必據關中稽山碑失秦無頌垓下歌成楚有風
未許生擒歸亦恥項王畢竟是英雄

偕同人泛舟湘湖

羣賢巾舄聚續紛絲竹何曾玷白雲沈約座邊聽讀賦
羊欣榻上看書裙桃因雪黍餐難飽酒爲論文飲易醺
紀勝欲題洲畔石臨河序媿右將軍

過虎邱

姑蘇城外水平堤虎阜山門認舊蹊
劒石未經芳草沒講臺仍與白雲齊
越人負義沈西子吳俗忘仇祀范蠡
天厭世情顛倒甚不教陵谷換高低

送內子柩歸葬山陰

白首難忘德曜賢銷沈遺挂倍淒然
負卿垂死丁寧語遲窈山中十七年

嶺雲高處漆鐙寒一路風吹老泪乾
相約松聲山色裡九泉重與話團圓

寄懷閩中同學諸子

廿載離懷問訊疎洪山烟雨挂帆初
未甘考下休爲吏

不畏家貧許讀書結社禪堂參鐵佛看花水榭跨銅魚
鴈聲能過仙霞路好寄新詩一起予

冬日偶成

長廊曝背喜冬溫底事流年草草奔作賦縱輸同學健
居貧須讓老夫尊搜來秘籍無完本典後新衣有皺痕
訪友忽忘腰腳軟又扶藤杖出柴門

除夕

銅盤絳蠟照軒楹不借餘光隔院明剝啄無聲知債緩
服勞有幼覺身輕安排爐火增新煖摩揣雲天重晚晴
七十八年除已盡倍覺今夕守深更

哭登孫

痛汝翻爲汝父憐年逾半百影淒然有兒仍抱無兒感
腸斷秦雲隴月天

如何生死等蜉蝣笑口方開卽泪流我已北邙山路近
相逢騎竹到松楸

寄姪循儀二首

泊鷗籬落已凋殘蔓草斜陽不忍看憐汝到今同餓隸
教人何處慶彈冠無多骨月離偏久有限星霜晤恐難
夢到竹林官署冷洞庭秋水路漫漫

嗟余懸磬及桑榆喘似吳牛病更癯歎歲媿無田續命

閒吟偏有吏催租欲穿魯縞防人笑便跨秦橋要客扶
寄語黑頭須努力莫教垂白費躊躇

送晴皋姪赴池陽

洛下征車始抵家離旌依舊指天涯要傾朱履三千客
肯戀青門五色瓜竹下我曾同醒醉雪中誰復和尖叉
白頭不作江南夢讓爾看山到九華

寄琬兒

宦游詎若幕游便喚汝何由到膝前路困漫言雞在柵
琬兒麻陽舟中官貧真箇石爲田祇悲白髮成千丈豈
詩宛如雞在柵畏寒冰有萬年兒女鮮存存又隔不關氣短亦淒然

春興三首

試鐙風裏落梅天
香影迷漾隔塢烟
一夜雨添溪漲急
亂流花片到門前

村舍農閒我更閒
隔林初聽鳥關關
多情最是東風善
吹得春來綠滿山

麥秀桑陰笋努牙
春光不少野人家
祇緣桃李公門盛
誰向田間問菜花

屢欲作天台之游久而未遂其志

欲褰名山十日糧
五年未渡鶴溪航
晴窗閒展宣州紙
畫出寒流挂石梁

夏日觀書戲占絕句

雨餘梧竹又風餘把卷山窗午正初但願日長長似夏
一生多讀半生書

秋懷

獵獵風吹木葉黃葭洲白露早成霜寒衣頓覺晚來薄
蟋蟀一聲鳴到床

白馬湖夜泛

越王城下晴湖濶擊汰中流棹歌發晚風磨剝兩銀盤
似帶斜陽過茗甞蒼然暝色落我舟飛入流螢坐巾襪
蓬窗清快老眼明水光月光同一呷數星遠火出山根

茅屋模糊亂雲壓我舟東下鄰舫西里許猶聞櫓聲軋
淺水灣頭畧約橫蒼葭斷處魚籬插一篙點破秋渚煙
驚起寒塘睡酣鴨

中秋

二十年前白下游笙歌燈火秣陵舟夢中時有江南句
難寫秦淮一段秋

宿雲栖偶題殿壁

蓮池長老古道場五雲山勢紛廻翔籃輿數里梵逕曲
衫巾六月松風涼山門偈仄殿宇小緣崖結構分低昂
八萬四千獅子座伽趺一一得所藏閭黎不托下山鉢

人天供養餘餽糧禪門洵具大神力始覺彼說非荒唐
白雲深處懸鐙宿一卷楞嚴夢迴讀風吹月白林影高
斗大寒星墮深綠此身已斷煩惱緣願侍牟尼老空谷
所嫌齋甚太常齋終歲黃蘗雪僧粥人生洗口不洗心
對面烏能辨清濁前山後山竹萬竿何不朝朝笋煮肉
腸中忽作轆轤鳴三日頭空倒床星一笑詩人太瘦生
束歸定可騎黃鵠

感懷

可嘆蹉跎誤隙駒鬢毛今已迫桑榆徒誇秦國珠如月
那見齊門瑟勝竽佛祖已會翻著襪神仙也解倒騎驢

如何直道難行日不學今愚學古愚

游摩鳥山

雲根浮翠水中央相隔鳥江路渺茫割自何年摩何處
漫傳亞父說荒唐

鰲背來尋兜率宮澄波面面悟真空無言相對牟尼佛
同坐千竿竹影中

禪扉兩版帶斜暉夾岸嵐光冷翠圍望到白蘋洲外路
賣魚船載一僧歸

姓名原在薜蘿閒每遇烟霞不忍還記取明年櫻笋候
櫓聲重過小金山

短歌行

擊畫鼓誰氏堂騎寶馬誰家郎駝峰紫沃翠金香昇披
霧縠冬鷓鴣金釵對侍分兩行黃昏燒燭達曙光蓬門
一老頭積雪終朝兀坐如面牆殘編開卷復掩卷百感
交集心茫茫去日苦多來日少爲懽幾何吾亦曉簾無
可障囊且羞何由秉燭花閒游